

Velkomen lørdag 29. august - til eit nytt og annleis skuleår!

Vi opnar skulen og tek imot deg frå fredag 28.august kl 10 og vil at alle er på plass til laurdag kl 17. Endelege rutinar for innflytting vert sendt ut veka før oppstart.

Opninga av skuleåret er kl.18.00.

Vi gler oss til å treffa deg

Vi er spente på kven du er, kva du har med av gleder, interesser og historier. Vi vil skapa *ein skule for livet* – ein skule der *du* står i sentrum. Vi vil at du får oppleva glede og læring, respekt og toleranse mellom medelevar og tilsette på skulen.

Linjer og valfag

Du har vald linje; vedlagt finn du eit eige brev frå linjelærar. Valfag vel du når du kjem.

Fellesskap og aktivitet

Aktiv livsstil, kreativitet og fellesskap står i fokus. Vi har mange aktivitetar der vi er fysisk aktive, i rørsle og leik. Du må ha utstyr for trening, for tur i sol og regn, og gode tursko/terrengsko. Sjå utstyrsliste.

På Voss folkehøgskule får du prøve nye ting. Kom med eit opent sinn! Du vil bli utfordra på kva du liker og ikkje liker. Kanskje oppdagar du ein ny lidenskap? Det er berre fantasien som set grensar for kva du kan fylla året ditt med, så vi håpar du er klar for eit aktivt skuleår ☺

På Voss kan du laga dine egne prosjekt, filmproduksjonar, konsertar, elevkveldar, bingo, volleyball, bada i Vangsvatnet eller Vossabadet, trene i treningsstudio, dans, LAN, rollespel, pysjamasparty, karaokekveldar... Fellesskapet er viktig; at alle deltek! Vær aktiv – så får du energi! Vær ein ven – så får du vener!

Beste helsing frå alle oss på Voss folkehøgskule!

God sommar!



KORONA - planer og tiltak

Folkehøgskulane har fått klarsignal frå regjeringa om at **skulestart blir som planlagt i august**. Vi arbeider no med kommunehelsetjenesta på Voss for å **gjere oppstarten så trygg vi kan utifrå smittevernomsyn**. Vi vil rette oss etter dei retningslinjer myndigheitene gir etter kvart. Vi har endra noko på årsplanen, for å gjere opplegget minst mulig sårbart i året som kjem.

Sjølv om vi har fått klarsignal for åpning i august, vil det framleis vere smitteverntiltak å ta omsyn til.

- Dersom du er ilagt **karantene** kan du ikkje koma til skulen før du er ferdig med karantene tida.
 - Har du **symtom** må du vente med å begynne på skulen til evt test er negativ.
 - Vi har satt i stand eit **eige område** vi kan flytte elevar til ved **mistanke om smitte**.
 - Vi **flytter oppstart** ei veke og tek vekk haustferien, slik at vi held oss mest mulig saman på Voss fram mot jul. I haustferieperioden, veke 41 og 42, legg vi opp til eit alternativt opplegg, det skal gje eit avbrekk frå kvardagen og gje gode felles opplevingar.
 - Det vil sjølvsagt bli høve til å dra i konfirmasjonar og nødvendige ærend heim, vi lager egne rutiner på det.
 - Vi har satt opp **ekstra vaskar** ved matsalen. Vi sett også opp fleire **stasjonar for antibac**.
 - Vi går ut frå at elevene **kan bu på dobbeltrom**. Dersom det blir nødvendig vil vi sette saman elevar frå same linje på rom, for å unngå for mykje blanding.
 - Vi legg opp til **felles matservering** for alle, men det er ikkje sikkert det blir heilt som vanleg. Vi vil også her følge gjeldande smitteverntiltak.
 - Vanligvis startar skuleåret med ein opningsfest, der foreldre og andre familiemedlemmer er invitert. Slik vi tenker no, blir **opningsfesten utan foreldre**. Vi må sjå an om vi kan vere heile skulen ilag, både planen og håpet er «ja». Foreldre skal få køyre elevar hit, sjølv om dei ikkje kan bli med på felles opninga.
-
- Kvar haust pleier vi å invitera familie og føresette på **haustfest** – den går i år ut – vi vil i staden lage ei digital sending der dei heime kan få eit innblikk i kva elevane lærer og opplever på Voss. Dato for det blir 24.oktober.
 - **Studieturane** til utlandet er dette skuleåret flytta til våren for å ha størst mogeleg sjanse for å gjennomføra. Vi vil heile tida lytta til råd frå myndigheitene og det kan tenkast at vi må lage til alternative opplegg. Dette vil vi vera i tett dialog med elevane om. Målet er trygge, gode opplegg og rike opplevingar. Innbetalingar som ikkje blir brukt vil sjølvsagt bli refundert.

Viktig informasjon

Reiser – linjetur – pass - forsikringar

Gyldig pass og eigen reise- og helseforsikring MÅ du ha før studieturane!

Vi må ha **opplysningar om pårørande, to personar** vi kan kontakte ved sjukdom/uhell/ulykker. Vi har kollektiv ulukkesforsikring for elevane. Du må ha **eigen innbuforsikring** for dine ting.

Internat

Internata heiter Jomsborg, Oppigard og Midtgard. Vi har mest dobbeltrom, enkeltrom kostar ekstra. Fordeling av internatrom blir gjort i august. Fyll ut skjema og kryss av for ditt ynskje! Dei som av viktige grunnar ynskjer seg einerom vil bli prioritert. Kryss også av for om du røykjer/røykjer ikkje; vi vil ikkje leggja røykjarar og ikkje-røykarar på same rom.

Klesvask

Du ordnar med eigen klesvask på internatet. Du **må** merke kleda dine med namn. 120 ungdommar driv vaskeriet saman. Sjekk nettstadar der du kan kjøpe lappar/stempel. Vi anbefaler klistrelappar.

Internett

Vi har trådløst internett i alle undervisningsrom og fellesrom. Trådløst nett er under utbygging på elevromma.

Mat – diett våre måltid

Kvardagar:	frukost 0745/8.15	lunsj 1130	middag 1600	kveldsmat 2000
Laurdagar:	frukost 0900		middag 1400	kveldsmat 1800
Sundagar:	frukost 0900		middag 1600	kveldsmat 2000

Har du **matintoleranse** eller treng **spesialdiett**, må du gje beskjed på førehand. Send ein epost til kjøkkenleiar Osmine seinast ei veke før du kjem: osmine@voss.fhs.no

Lege - fastlege

Alle elevar bør ha fastlege på Voss. Du går inn på www.nav.no/minfastlege for å gjere bytte. Reglane er slik at du får den «gamle» fastlegen din når du flyttar heim igjen etter skuleslutt.

Kva skal du ta med deg?

Dette **MÅ** du ha med:

- Sengetøy: dyne, pute, laken, trekk
- Sengeteppe/pledd
- Handklede, store og små
- Toalettsaker, antibac og håndsåpe
- Treningstøy, treningssko og badetøy
- Regntøy og støvlar
- Gode tursko for terreng
- Tursekk, sovepose og liggeunderlag
- Vaskemidlar til klede, helst flytande
- Klede og undertøy – for ute og inne
- Finklede (fin middag fyrste veka bl.a.)
- Innesko

Dette **BØR** du ha med:

- Sykkel med lås og hjelm!
5 min m/ sykkel til sentrum; 15 min. å gå
- Undertøy i ull/ullblanding evt. kunstfiber
- Ullsokkar
- Vindtett bukse
- Jakke for alle typar ver
- Termos/drikkeflaske, termokopp
- Lue og vottar
- Musikkinstrument (viss du har)
- Solbriller og solkrem
- Tykk genser

Kortfatta skulerute haust – vår 2020-2021

Skulestart laurdag 29. august. Innflytting frå fredag kl 10 til laurdag kl 17. Opning av skuleåret for elevar laurdag kl 18.

Digitalt show for foreldre og føresette 24.oktober

Juleferie frå onsdag 16.desember kl. 12 (skulen stenger kl. 15) til og med tysdag 5. januar (skulen opnar kl. 17) Skulestart onsdag 6. jan kl. 8.30

Vinterferie frå fredag 19. februar kl. 14.15. (skulen stenger kl. 17) til og med mandag 1. mars (skulen opnar kl. 17). Skulestart tirsdag 2. mars kl. 8.30.

Påskeferie frå fredag 26. mars kl. 14.15 (skulen stenger kl. 17) til og med tirsdag 6.april (skulen opnar kl. 17). Skulestart onsdag 7. april kl. 8.30.

Avslutningsfest med gjester Kristi Himmelfartsdag 13.mai - ferdig ca. kl. 21. Avreise fredag 14. mai. Skulen stenger fredag 14. mai kl. 12.

Alle folkehøgskular har like mange skuledagar som grunn- og vidaregåande skule. Men sidan vi har skule også på ein del laurdagar sluttar vi i mai og ikkje i juni.

NB! **atterhald om endringar**
 Skulen er stengt i alle feriar (jul-, vinter- og påskeferie)

Det er lurt å tinga billetter til tog, buss og fly så tidleg som mogeleg, då vert det billigare!

Skulebevis og identitetskort

Skulebevis: gjer moderasjon på reiser for studentar og vert ordna på skulen når du er komen hit.

Identitetskort: Du må i tillegg ha godkjent legitimasjon t.d. bankkort/pass/førarkort.

Økonomi – kostnader – betalingsplan

Innmeldingsavgift 2500 kr (den har du alt betalt)

Grunnbeløp 92 000 kr -dekker kost, losji og felleskostnader (undervisning, fellesturar, vaskemaskin, kopiering, leige av utstyr, gjesteførelesarar, skulejakke, dei fleste valfaga, festar m.v.).

Linjekostnader inklusiv studieturar, felles linjeutstyr og linjeaktivitetar. **Sjå bakside for info.**

Data – 36 500 kr

Data & Friluftsliv – 40 500 kr

Film & Foto - 36 500 kr

Ekstremспорт – 60 000 kr

Idrett & Friluftsliv - 31 500 kr

Ekstremспорт Luft – 69 500 kr

Andre valfrie tillegg: enkeltrom (5500 kr), nokre valfag – blant anna ekstremспорт, vindtunell og andre valfag som går ut over kostnadsramma. Vert fakturert på eigen faktura haust og vår.

Skulen brukar AvtaleGiro for å krevje inn grunnbeløpet – 92 000 kr og 10 000 kr av

linjekostnadane. AvtaleGiro er effektivt og velfungerande for elev og skule. Vårt betalingsforfall er lagt til den 12.-15. i kvar måned. Dei fylgjer utbetalingane frå Lånekassen 12-15. i kvar måned og er mindre enn du får utbetalt frå Lånekassen. Beløpsgrensa for avtalegiro er sett likt for alle og lik maksbeløp for enkeltrom(*) 29 450kr. Trekket frå din konto er sjølvsagt berre på det du skal betala.

Send tilbake vedlagt AvtaleGiro-skjema til oss snarast! Gjerne saman med svarskjema.

Søk om lån med ein gong! Gå til nettsida <http://www.lanekassen.no/> for søknad og info. Her finn du oversikt over Lånekassen sine utbetalingar for maks lån 2020; du ser dei også her:

	Betaling dobbeltrom	Betaling enkeltrum*	Du får frå Lånekassen
1	Betaling 15 august	Studietur/linje	22 460*
2	Betaling 15 september	26 700	8422
3	Betaling 15 oktober	8 100	8422
4	Betaling 15 november	8 100	8422
5	Betaling 15 desember	8 100	8422
6	Betaling 15 januar	18 600	22460
7	Betaling 15 februar	8 100	8422
8	Betaling 15 mars	8 100	8422
9	Betaling 15 april	8 100	8422
10	Betaling 15 mai	8 100	8422
	Totalt	102 000	112 300

***NB!** Talla frå lånekassen er ikkje endeleg bekrefta. Talla er berekna ut frå 1,9% auke frå siste skuleår som er vedteke i statsbudsjettet. Utbetaling frå Lånekassen skjer først etter at skulen har bekrefta at du har møtt.

Linjekostnadane vert betalt slik:

10 000 kr for alle linjer vert trekt pr mnd saman med grunnbeløpet. For å kunne følge utbetalingane til Lånekassen har vi valgt å ta inn største delen av linjekostnadane på egne fakturarar. Ekstremспортlinjene har fyrste forfall alt 1.juli – dette fordi ein del utstyr alt er kjøpt inn. Har du problem med å betale innan fristen tek du kontakt.

Data, og Film-Foto: kr **14 500 - 15.aug** og kr **12 000 15.jan**

Data & Friluftsliv(viss du skal på USA tur) kr **18 500 – 15.aug** og og kr **12 000 15.jan**

Idrett & Friluftsliv: kr **15 000 – 15 aug** og kr **6500 15.januar**

Ekstremспорт Luft: kr **15 000 – 1.juli**, kr **24 500 – 15.aug** og kr **20 000 – 15.januar(2021)**

Ekstremспорт: kr **10 000 – 1.juli**, kr **20 000 – 15.aug** og kr **20 000 – 15.januar(2021)**

Linjekostnad skal betalast til: 9581 05 00639, dette inngår **ikkje i AvtaleGiro**.

Husk å **merk innbetalinga med namnet ditt!** **Sjå vedlagt faktura.**

Diettar:

Glutenfri diett: kr. 400,- ekstra pr. måned.

Laktosefri diett: kr. 200,- ekstra pr. måned.

Vegitardiett: ikkje tillegg i pris.

For krevjande diettar kan det verta tillegg i pris. Eigne avtaler vert laga.

Rekning 2 gonger i året.

Eleven er sjølv ansvarleg for betalinga til Voss Folkehøgskule om ikkje anna er avtala.

Ved for sein betaling, vert det rekna rente med 0,8 % pr mnd.

Skulens bankkonto: 9581 05 00639, ved alle betalingar.

Dersom du ikkje kan eller ynskjer å følgje denne planen kan du ta kontakt med skulen for å drøfte saka.

NB! Dersom du seier frå deg plassen etter 1. august eller sluttar i skuleåret, *uansett årsak*, må du betala skulepengar i 10 veker frå sluttdato/oppsigelsesdato. Vi reknar dette ut frå grunnbeløpet (92 000) og eventuelt påkomne linje-og fagkostnader.

Ordensreglement – du finn heile ordensreglementet på nettsida vår

Folkehøgskulen er eit «fritt» skuleslag. Vi har ikkje prøvar, eksamen og pensum. Vi gir ikkje karakterar. Målet vårt er å byggje karakter. Vi har den største pedagogiske fridomen i verda, der vi set den menneskelege utviklinga di i fokus. Læringa på ein folkehøgskule skjer i ei blanding av ekskursjonar, studieturar, eit mangfald av læringsarenaer og sosiale aktivitetar i og utanom skulen. Internatet er ei berebjelke på folkehøgskulane. Du kjem tett på dei andre elevane og oss vaksne. Dette er eit gjensidig forpliktande fellesskap. Eit år på ein internatskule er difor eit annleis skuleår. Det seier seg sjølv at når 120 ungdomar bur saman, så må vi ha reglar. Ingen kan eller vil bu på ein slik skule utan reglar. Reglane er til for deg og dine medelevar, slik at alle får eit godt utbytte av skuleåret. Det er ikkje problematisk å halde reglane, men du må kjenne til og forstå dei.

Vi vil ha ein open og inkluderande skule, ein skule for alle, kor alle har ein plass. For vi veit at folkehøgskulen fungerer – men berre om du deltek. Då får du oppleva mykje, læra mykje – og få gode vener. I folkehøgskulane er det oppmøteplikt; du må møta til alle timar, arrangement og turar.

Ein skule for alle er ein rusfri skule, heilt utan alkohol og andre rusmidlar. Dette omfattar både bruk og oppbevaring, og sjølvst påverka. På kveldar utan arrangement eller skule dagen etter kan du gå på Vangen (sentrum) og nyta eit glas, om du går rett til sengs på eige rom når du kjem heim utan å sjenera andre.

Vi reagerar på brot på ordensreglementet. Brukar du alkohol vil du bli bortvist ein periode, og utvist dersom det gjentek seg. Brukar du narkotika må du regne med å bli utvist og miste skuleplassen straks. Grensa vår for fråvær går ved 5 % av dei timane som er avhalde, og får du for høgt fråvær kan skuleplassen vera i fare.

Brot på reglementet blir tatt opp i Disiplinærutvalet. Blir du utvist for resten av skuleåret, eller du sluttar frivillig, må du betale skulepengar i 10 veker frå sluttdato/heimreisedato. Då misser du dei to konkurransepoenga og stipendet frå Lånekassen. Vedtak i Disiplinærutvalet kan ankast til Styret innan tre veker. Blir du sendt heim frå eksursjonar, turar eller studietur på grunn av brot på ordensreglementet, må du dekke heimreisa sjølv.

Røyking er tillete men berre på tilvist stad, E-sigaretter er ikkje tillete på skuleområdet.

Du må setje deg inn i skulen sitt ordensreglement; det er viktig. Hovudsaka er at du er *med*, og deltek, at du er rusfri, og at du betalar skulepengane i rett tid. Og at du snakkar med oss viss det er noko. Det meste kan løysast gjennom samarbeid og god kommunikasjon. Vi vil at du skal få eit topp år på Voss!

Du må skriva under på at du kjenner desse reglane, og vil samarbeida på desse premissane. Sjå svarskjema.

Svarskjema – dette må du sende tilbake til oss snarast!

Internat – matallergi/-intoleransar – andre opplysningar

Ynskje om rom på internatet: **Sett X** framfor ynsket ditt (totalprisane finner du over)

Vi prøver å møta ditt ynskje om rom så langt vi kan, men vi kan ikkje lova at du får det. Har du spesielle grunnar for ynskje om ein rom kan du skriva det under.

- Dobbelrom
- Enkeltrum **tillegg kr 5 500** for heile skuleåret, betalast i september
- Røykjer ikkje
- Røykjer
- Eg har matallergi – og sender epost til Osmine om dette: osmine@voss.fhs.no
- Eg er i risikograppa for korona - og sender epost til: bodil.jansen@voss.fhs.no

Parkering - privatbil

Eg ynskjer parkering haust **tillegg kr 500** Eg ynskjer parkering vår **tillegg kr 500**

Utfordringar

Vårt ønskje er at alle elevar skal få eit fullverdig år hjå oss. Erfaringar viser at det får vi best til ved openheit og dialog i forkant av skulestart. Dersom du har eller har hatt fysiske eller psykiske utfordringar, åtferdsproblem, rusproblem og/eller høgt fråvær - er du forplikta til å informere oss om dette på førehand og eventuelt ettersende dokumentasjon.

Har du opplysningar som du bør informera skulen om? JA NEI (sett kryss)

Skriv her og/eller send oss ein utfyllande epost!

.....
.....

Reglement / trivselsreglar (sjå heile reglementet på vår nettside)

- **Alkohol** er forbode på skulen: å vera påverka, å bruka, å oppbevare
- **Narkotika** er forbode så lenge du er elev ved skulen, også utanfor skulen sitt område
- **Frammøteplikt:** all undervisning er obligatorisk, også fellesaktivitetar, øvingar og turar
- Du må fylgja skulen sine rammer når du er elev.
- Dersom du sluttar i skuleåret uansett årsak, må du betala skulepengar for 10 veker ekstra.
- Eg underteiknar på at eg er kjent med skulen sitt reglement (sjå våre nettsider), og eg vil samarbeida på desse premissane.
- Eg samtykker i at skulen kan ta medisinsk prøve ved mistanke om bruk av narkotika, og eg samtykker i at rektor får vita resultatet av ein medisinsk prøve.
- Eg samtykker i å følgja smittervern hensyn og tiltak i forhold til korona

Di underskrift

Underskrift føresette (når du er under 18 år):

Pårørande 1 mob.....
(namn, full adresse, tlf - **må** fylles ut!)

Pårørande 2mob.....
(namn, full adresse, tlf - **må** fylles ut!)

Elevens namn: Linje

Adresse:

Epost Telefon

Reiseforsikring (selskap) Polisnr

Returner svarskjema - **fullstendig utfylt – saman med AvtaleGiro** snarast og innan **1.juli!**

Send til Voss Folkehøgskule, Eskelandsvegen 28, 5704 Voss
eller scan og send som pdf til post@voss.fhs.no

Huskeliste:

1. Ynskje om rom
2. Røykjer / røykjer ikkje
3. Matallergiar
4. Informasjon vi bør vite om
5. Skriv under på skulen sine reglar
6. Gylding pass
7. Reiseforsikring
8. Pårørande 1 og 2
9. Sjekk kva du treng av utstyr

Meld deg inn i vår **Facebookgruppe**: Voss Folkehøgskule 2020-21. Her kan du stille spørsmål, finne informasjon og bli kjent.